



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412

fax. +387 33 726 414

e – mail: info@voda.ba

Broj: **UP-1/21-2-40-421-2/23**

Datum: **05.10.2023. god.**

«Agencija za vodno područje rijeke Save» Sarajevo rješavajući po zahtjevu Grada Bosanska Krupa podnesenom za izdavanje vodne saglasnosti za izgradnju pješačkog drvenog mosta preko rijeke Une u naselju Bosanska Otoka na području grada Bosanska Krupa, na osnovu člana 114. a u vezi sa članom 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22),
donosi

RJEŠENJE **o vodnoj saglasnosti**

1. Investitoru, Gradu Bosanska Krupa, daje se vodna saglasnost na projektnu dokumentaciju pod nazivom:
 - „Glavni projekat – Usklađivanje projektne dokumentacije za izgradnju drvenog pješačkog mosta – Džemaludin Čaušević”,na mjestu gdje je nekad postojao drveni most. Projekat urađen i revidiran od strane ovlaštenih pravnih lica „IBIS” doo Zavidovići, maja 2023. godine, revidovan od strane „TEAM HIDRO” doo Sarajevo, 13.07.2023. godine.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja se ovjerena je u skladu sa odredbama člana 114. stav (3) Zakona o vodama i ista se vraća podnosiocu zahtjeva na trajno čuvanje i čini sastavni dio ovog Rješenja koristiti će se u postupku pribavljanja odobrenja za građenje.
3. Dostavljeni Glavni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-126-4/22 od 06.07.2022. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
 - 3.2. Nosilac prava iz vodne saglasnosti dužan je u saradnji sa izvođačem radova i nadzornim organom prije početka radova riješiti sve eventualne nepoznanice na lokaciji predviđenoj za izgradnju mosta koji se cjelokupnom dužinom nalazi u vodnom dobru rijeke Une, bilo da je u privatnom ili u društvenom vlasništvu.
 - 3.3. Zagate, napere i pomoćne objekte i zahvate u koritu koji prilikom izgradnje služe za lakše izvođenje određenih radova, izvesti na način da isti što manje ugrožavaju proticajni profil rijeke Une, a nakon završetka radova iste je potrebno ukloniti i korito, obale i okolni teren dovesti u prvobitno stanje.
 - 3.4. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.5. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa temeljnih stopa mosta na obje strane obala rijeke Une koja se premošćuje, i svim ostalim podacima koji se uobičajeno vode kod ovakve vrste radova.
 - 3.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

- 3.7. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
- 3.8. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
- 3.9. Nakon završetka radova neophodno je radni pojas koji uključuje pojas uz korito, inundacioni pojas i obale na mjestu izvođenja aktivnosti, urediti i očistiti od gradilišnih zahvata, mehanizacije i gradilišnog otpada.
- 3.10. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.11. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni izgradnjom pješačkog mosta preko rijeke Une, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na izgradnji mosta preko rijeke Une na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Investitor (korisnik vodne saglasnosti) ostaje u obavezi, a kada period izvođenja radova na izgradnji pješačkog drvenog mosta preko rijeke Une bude tačno preciziran, najmanje sedam dana ranije obavijesti predstavnike lokalne zajednice o početku izvođenja radova.
7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
9. Korisnik vodne saglasnosti je u suradnji sa gradom Bosanska Krupa dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška iskopanog materijala.
10. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, Grad Bosanska Krupa, je podnio zahtjev dana 28.09.2023. godine za izdavanje vodne saglasnosti za „Izgradnju pješačkog drvenog mosta preko rijeke Une u naselju Bosanska Otoka“ na lokalitetu Bosanska Otoka“, Grad Bosanska Krupa, dužine 92 m širine 352 cm, po projektnoj dokumentaciji dostavljenoj uz zahtjev : „Glavni projekat – Usklađivanje projektne dokumentacije za izgradnju drvenog pješačkog mosta – Džemaludin Čaušević“ u cilju skraćivanja vremena kretanja pješaka sa jedne na drugu stranu rijeke Une naselja Bosanska Otoka pri zadovoljavanju

svakodnevnih potreba stanovništva, na mjestu gdje je nekad postojao drveni most, urađen od strane „IBIS“ doo Zavidovići, broj: 21-IB-G/23 od maja 2023. godine, revidovana od strane „TEAM HIDRO“ doo Sarajevo, 13.07.2023. godine. Za pojavu voda 1/100 predviđena je najniža kota mosta 142,85 m n.m. što čini nadvišenje od 0,81 m.

Uz zahtjev za izdavanje vodne saglasnosti dostavljena je slijedeća dokumentacija:

- Statut općine Bosanska Krupa od septembra 2017. godine, ovjeren dana 19.09.2023. godine pod brojem 5541/2023 od strane jedinstvenog organa grada Bosanska Krupa,

- Rješenje kojim se daje Urbanistička saglasnost Službi za komunalne djelatnosti, vode zaštitu okoliša i inspeksijske poslove Grada Bosanska Krupa za izgradnju kosog pješačkog mosta „Džemaludin Čaušević“ preko rijeke Une u naselju Bosanska Otoka, na parcelama označenim u kopiji katastarskog plana, kao k.č. broj 1241/1 ZKU 1504 K.O. Otoka I i k.č. 618/1 ZKU 294 K.O. Otoka II, izdana dana 22.11.2022. godine pod brojem UP-I-04-19-1-5022/21,
- Uvjerenje o registraciji poreznog obveznika izdato od Porezne uprave Federacije BiH – Kantonalni porezni ured Bihać dana 17.03.2022. godine,
- Kopija izdate prethodne vodne saglasnosti od strane AVP Sava Sarajevo broj: UP-1/21-1-40-126-4/22 od 06.07.2022. godine,
- Dokaz o uplaćenju administrativnoj pristojbi – kopija uplatnice,
- Situacija izgradnje objekta broj UP-I-04-191-5022/21 od dana 18.11.2022. godine.

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije angažirao ovlašteno pravno lice, „IBIS“ d.o.o. Zavidovići koje je uradilo Glavni projekat kako je prethodno navedeno u tački 1. rješenja,
- Ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).
- Lokacija mosta je usaglašena sa važećom prostorno planskom dokumentacijom Grada Bosanska Krupa. Urbanističke uslove za izgradnju predmetnog mosta je kroz Rješenje o urbanističkoj saglasnosti izdala nadležna Službi za komunalne djelatnosti, vode zaštitu okoliša i inspeksijske poslove Grada Bosanska Krupa,
- Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane ovog organa, broj: UP-1/21-1-40-126-4/22 od 06.07.2022. godine, te je shodno članu 114. stav (3) Zakona o vodama, upisivanjem broja i stavljanjem otiska pečata ove Agencije na projektnu dokumentaciju: „Glavni projekat – Usklađivanje projektne dokumentacije za izgradnju drvenog pješačkog mosta – Džemaludin Čaušević“ u cilju skraćivanja vremena kretanja pješaka sa jedne na drugu stranu rijeke Une naselja Bosanska Otoka pri zadovoljavanju svakodnevnih potreba stanovništva, na mjestu gdje je nekad postojao drveni most, urađen od strane „IBIS“ doo Zavidovići, broj: 21-IB-G/23 od maja 2023. godine, revidovana od strane „TEAM HIDRO“ doo Sarajevo, 13.07.2023. godine) data vodna saglasnost na istu. Projektant prilikom izrade projektne dokumentacije uvažio propisane uslove i u istoj priložio opise i nacрте uobičajene za ovaj nivo projektne dokumentacije:
 - o Situativni prikaz projektnog rješenja za lokalitet planiranih radova izgradnje pješačkog drvenog mosta preko rijeke Une u Bosanskoj Otoci, razmjere 1:1000. U projektnoj dokumentaciji je priložen uzdužni profil u razmjeri 1:1000/100 i poprečni profili u razmjeri 1:100/100;

Na osnovu utvrđenog činjeničnog stanja, a u cilju smanjenja negativnih uticaja predmetne aktivnosti na stanje voda, podnosiocu zahtjeva su ovom vodnom saglasnosti, u tački 3. dispozitiva Rješenja, propisani uslovi u skladu sa članom 114. Zakona o vodama i članom 10. Pravilnika o sadržaju, obliku, uvjetima načinu izdavanja i čuvanja vodnih akata, koje je isti dužan ispuniti u toku gradnje predmetnog mosta.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Obradivač akta:

Fuad Mujagić, dipl.inž.

Prilog: Ovjerena dokumentacija: : „Glavni projekat – Usklađivanje projektne dokumentacije za izgradnju drvenog pješačkog mosta – Džemaludin Čaušević“, urađen od strane IBIS doo Zavidovići, maja 2023.godine, revidovana od strane TEAM HIDRO doo Sarajevo, 13.07.2023. godine.

Po ovlaštenju
Rukovodilac sektora za izdavanje
vodnih akata


Harris Alisehović
Harris Alisehović, dipl.inž.građ.

Dostaviti:

- „Općina Bosanska Krupa“, Terzića bb, Bosanska Krupa 77240; (sa prilogom)
- ISV-vodna knjiga – ovdje;
- ☑ Arhiva – ovdje;
- AVP Sava – Oglasna ploča